

易說後跋

大易一書天地之所以範圍日月之所以運行陰陽之所以
統馭者也順而推之則一本而萬殊逆而用之則萬殊而一
本精研之為性與天道之根源體行之為三教至詣之實功
大哉易乎此即精一執中之心傳亦吾夫子五十學易之心
易也乎顧古今以來注解是經者不下數十百家類皆各就
其所見亦自足以發明其說然或執於理氣或泥於象數僅
成一家言而未克以闡三教同源之妙道王子之春兒子子
蒲得

純陽道祖易說予敬讀之尋繹數十過覺此真足發三聖未啟

道藏輯要

易說後跋

三

璧集二

之心傳彙萬聖同宗之奧蘊前輩許筠菴先生跋誌甚詳無
事予之再為贅贊矣爰重梓之命予蒲偕鹿園龐太史詳為
校刊獨惜其中闕蹇卦半幅數年來覓補無由逮己未之歲
始於嘉會處遇之以成完璧今適值重訂全書之時此亦一
大奇緣也因備誌其顛末如是

梅芳弟子蔣日綸謹誌